



FM 2014/160  
Michael Rosing

**Nunatsinni inuusuttut inuiaqatigiinni kiffartuusseqataanissaat anguniarlugu minnerunngitsumillu suliffissaaleqisut nunaqarfinni illoqarfinnilu kiffartuusseqataanermi periarfissaqaqtinnejarnissaat nunattalu iluani kiffartuusseqataanikkut suleqataanissaat anguniarlugu kommuunit peqataatillugit periarfissanik qulaajaanissamik misis-suisoqarnissaanik oqallinnissamik siunnersuut.**

(Inatsisartunut ilaasortaq Hans Enoksen, Partii Naleraq)

Demokraatini isumaqarpugut ilinniartitaaneq, piginnaanngorsaaneq ineriarornerlu siumukarnermut aqqutissaasut.

Demokraatini isumaqarpugut annermik inuussutissarsiortut oqaloqatigisariaqarigut paasiniarlugu qanoq piginnaanillit amingaatigineraat, misilillugulu ilinniartitsinissaq, Inuiaqatigiinnut kiffartuussinissaq eqqartortillugu.

Suliffissaaleqineq eqqartortillugu uangut pingaartutut isigaarpuit, inuit pisortanit pilersorneqarunnaarsillugit nammineq pilersulernissaat anguniartariaqartoq. Isumaqarpugut tamatuma inuaqatigiittut immitsinnut tatignerulersissagaatigut.

### **Ilinniartitaaneq aamma piginnaanngorsaaneq**

Nunami maani immitsinnut ungasilluta najugaqarpugut. Tamatuma kinguneranik nuuttariaqartarpugut piginnaanngorsassagutta atuaqqissaguttaluunniit. Tamanna piviusorsiornerluni illoqarfinni ilinniarfiusuni kollegiani inissaaleqineq eqqarsaatigalugu? Kommunit qanoq oqarpat – innuttaasut nuukkusussinnaappat piffissami aalajangersimasuni piginnaanngorsarniarlutit atuaqqinniarlutiluunniit? Taamaanngippat systemillu ullumi atukkagut naammanngippata, taava susariaqarpugut?

Demokraatini isumaqarpugut aaqqiissutissat ilagigaat, inuiaqatigiinni pilerseriikkatta atorluarnerunissaat. Tamanna pisariaqarpoq inuussutissarsiortut suleqatigalugit sulliviit inuiaqatigiinni aningaasarsiornermut pilersueqatasut nappataat aserussanngikkutsigu. Inuiaqatigiinni kiffartuussineq unammilleqatigiinnermut kipusoortitsinngisaannassaaq.

Taamatullu oqareerluta isumaqarpugut oqaloqatigiittartoqatigiinnik pilersitsisariaqartugut inuttaqartussamik kommunineersunik, Namminersorlutik Oqartussaneersunik, inuussutissarsiortuneersunik kiisalu inunnik soorlu Piareersarfinneersunik taakku suliffissaaleqisunik sullissineq misilittagaqarfigimmassuk.

Ilinniartitaaneq eqqartortillugu kissaatigaarpuit ilinniarnermi qiortartakkanik eqaannerusumik aaqqissorneqassasut. Pisortat killilersuisseangillat inuit ilinnialeqqinnissaannut soorlu kandidatinngorniartoqartillugu, qiortartakkanik nunguutsisimagaluarpataluunniit.

Demokraatini eqqukkusupparput ilinniartut ilinniarnermik qiortartakkanut ilanngaaffigineqassaassasut ilinniakkamik naannerusumik naammassinnissimagunik, taamaalillutillu takinerusumik ilinniarnissaminut periarfissinnejassallutik.



### **Suliffissaaleqisunit Matchgruppe 2 aamma 3**

Suliffissaaleqisut Matchgruppi 2-miittut aamma 3-miittut ikiortariaqarput, nukiilli piginngisagut nunamiik ammussuutissanngilagut.

Inuttut ajornartorsiutit suliffissaaleqinermut pissutaaqataasut atagu eqqartortigut, sulineq aqqutigalugu ajornartorsiutit qaangerniartarlugit taamaallutillu inuttut nukittunerulersitsisarluta sulisinnaangornermik kinguneqartartussamik.

Piginnaangorsaaneq atuaqqinnerlu taaguutaaginnassanngillat, tigussaasunngortittariaqarpulli. Siunnersummi nammineq ineriertortinnissaq taaneqarpoq, kisianni kina ineriertortitsissava, kivitsissavav aamma ersuttuussava?

Inunniq isumaginninnermi annertuumik ikuusoqarnissaa pisariaqarpoq. Innuttaasut ikiornissaannut naammattunik ilinniarsimasunik suli peqanngilagut. Taamaattumik eqqarsartaasitoqaq qimallugu nutaamik eqqarsartariaqalerpugut.

Demokraatin isumaqpugut suliassaqtitsiniarneq pitsaasusoq kisianni pisortat kommunini allaffisornermik pisarioreersumut artukkiissanngillat.

Demokraatin siunnersuutigissavarput inuit ulluinnarni suliffissaaleqisut ajornartorsiutaannik suliaqartut tusarnaassagigut, neqeroorutit pioreersut pitsanngorsassagigut taamatullu kommunini, inuussutissarsiortuni ilinniarfinnilu sulisunit isumassarsiat ammafigissagipput siunnersuutigissavarput.

Taamatut oqaaseqarluta qujavugut oqallinnermut pissanganartumut.